

**ԽԱՉԱԿԻՐ ՕՐԴԵՆՆԵՐԻ ԵՎ ԿԻԼԻԿՅԱՆ ՀԱՅԱՍՏԱՆԻ
ՔԱՂԱՔԱԿԱՆ ՈՒ ՏՆՏԵՍԱԿԱՆ ԱՌՆՁՈՒԹՅՈՒՆՆԵՐԻ ՊԱՏՄՈՒԹՅՈՒՆԻՑ**

Ս. Վ. ԲՈՌԵԱԶՅԱՆ

Կիլիկիայի հայկական իշխանությունն ստեղծման շրջանը զուգահեռաբար արևելքում տեղի ունեցած խաչակրաց արշավանքներին: Խաչակրաց առաջին արշավանքը, հետ մղելով սելջուկներին Փոքր Ասիայի և Սիրիայի ծովամերձ շրջաններից, հնարավորություն տվեց լեռնային Կիլիկիայում իշխող Ռուրիկյաններին՝ նվաճելու բյուզանդացիների և սելջուկների թիրապետության տակ գտնված Դաշտային Կիլիկիան: Սակայն Կիլիկյան հայկական պետությանը խաչակիրների հասցրած տևական վնասն ավելի մեծ եղավ, քան նրանց տված ժամանակավոր օգուտը: Խաչակիր ֆեոդալները հանդես էին գալիս Մերձավոր արևելքի քրիստոնյաներին, այդ թվում հայերին և հույներին ճնշողների ու կեղեքողների դերում: Մատթեոս Ուռ-հայեցու վկայությամբ նրանք ոչնչացրին և իրենց տիրույթներին միացրին Միջագետքի և Սիրիայի հայկական իշխանությունները: Խաչակրաց առաջին արշավանքին հաջորդած տարիներին, XII դարի առաջին քառորդում և հետագա շրջանում, հաճախակի էին դառնում բախումները խաչակիրների և կիլիկեցիների միջև:

Նշելով խաչակրաց առաջին արշավանքի ժամանակաշրջանում (1097—1100) խաչակիրների և Կիլիկիայի հայ իշխանների համագործակցության մասին հայ և օտար ժամանակակիցների հաղորդած վկայություններից, մի շարք բուրժուական պատմաբաններ հայտնում են խիստ միակողմանի կարծիքներ: XIX դարի ֆրանսիացի արևելագետ-հայագետ Վիկտոր Լանգլուան գրում է, որ Կիլիկիայում երևալու առաջին իսկ օրից, ֆրանկները (իմա՝ խաչակիրները—Ս. Բ.) հայերի կողմից դիմավորվեցին խանդավառությամբ և նրանցից ստացան մեծ օգուտներ: Միայն խաչակիրներին օգնելու շնորհիվ լեռն Բ-ն թագավորական թագ ու տիտղոս ստացավ Արևմուտքից, որը ստիպեց լեռն Բ-ին ենթարկվելու արևմտյան ազդեցությանը: Դրանով պետք է բացատրել նաև լեռն Բ-ի կողմից մտցված արևմտաեվրոպական նորամուծությունները երկրի տնտեսական, քաղաքական և վարչական սիստեմում: Էդ. Դյուլուրիեն, կրկնելով Վ. Լանգլուային, ընդունում էր, սակայն, որ խաչակիր առաջնորդներից ոմանց նվաճողական նկրտումներն ու փառասիրությունը հանգեցրին այն սխալ քաղաքականությանը, որի հետևանքով նվաճված ժողովուրդների շարքն էին դասվում նաև հույներն ու հայերը: Թեև նա վկայակոչում է միայն Խաչակիր-սելջուկների¹ օգտին ժամանակակիցների թողած տեղեկությունները, սակայն փաստերի ճշման տակ գրում է. «Հայկական Կիլիկիայի թագավորության կործանման պատճառներից են հայ ժողովրդական մասսաների բուռն դիմադրությունը կաթոլիկ-ֆրանկների մըտցրած նորամուծություններին և դրանց շուրջը հայ իշխող դասակարգերի ու ժողովրդական մասսաների միջև ծագած ներքին վեճերը, որոնք վերջնականապես թուլացրեցին թագավորությունը և այն կանգնեցրին կործանման փաստի առաջ»²: XX դարի բուրժուական պատմաբան Ժակ դը-Մորգանը, գերազանցատեսիվ խաչակիրների դերը Կիլիկիայի հայկական թագավորության նստեցման գործում և չափազանցելով արևմտաեվրոպական ֆեոդալիզմի ազդեցությունը, Կիլիկիայի թագավորների կողմից խաչակիր օրդոնների բերդեր և ամրոցներ նվիրելու և վստահելու փաստը բացատրում է նրանով, թե իբր այս միջոցը «գործադրվում էր տեղացի պարոնների (իմա՝ հայ իշխանների—Ս. Բ.) ապստամբական ամեն մի փորձ խեղդելու հա-

¹ Ա. Հոլհայնսյան, Դրվագներ հայ աղատագրական մտքի պատմության, գիրք 16, 1956, էջ 58—59:

² V. Langlois, Essai historique et critique sur la constitution sociale et politique de l'Arménie, St. Petersburg, 1861, էջ 42:

³ К. Маркс и Ф. Энгельс, Сочинения, т. V, էջ 126:

⁴ Ed. Dulaurier, Recueil des historiens des Croisades, Documents Arméniens, t. I, էջ III—IV:

մարք»։ Միտումնավոր է նաև ֆրանսիացի բուրժուական պատմաբան Ռենե Գրուսսեի այն պնդումը, թե հանձինս խաչակիրների հայերը տեսնում էին իրենց ազատարարներին՝ ոչ միայն մուսուլմաններից, այլև նույնիսկ հայ ֆեոդալներից. դա ապացուցելու համար նա վկայակոչում է Եղեսիայի հայ բնակչության ապստամբությունը իրենց տիրոջ՝ Խորոս իշխանի դեմ 1108 թ. և նրանց օգնությունը խաչակիր իշխան Բուդուինին⁵։

Հայկական ՍՍԻ ԳԱ ակադեմիկոս Ա. Գ. Հովհաննիսյանը անդրադառնալով խաչակիրների և Կիլիկիայի հայերի փոխհարաբերությանը և դրա հետևանքներին, դիպուկ կերպով նկատում է. «Խաչակիրների բարեկամությունը մեկուսացնում էր Ռուբինյանների պետությունը, թշնամանքի վիճակում նրա և հարևան պետությունների միջև և ի վերջո հարձակման անցած մուսուլման ֆեոդալների կատաղության զոհ դարձնում խաչակիրների քրիստոնյա դաշնակիցներին, դրանց թվում նաև հայերին»։

Ներկա հոդվածում մեր առաջ խնդիր չենք դրել ուսումնասիրության առարկա դարձնել Կիլիկիայի հայկական թագավորության և խաչակիր պետությունների քաղաքական ու տնտեսական հարաբերություններն ընդհանրապես, այլ նպատակ ունենք լուսարանելու միայն խաչակիր օրդենների գործունեությունը Հայկական Կիլիկիայում։

Ինչպես հայտնի է, XI—XII դարերում ստեղծվել էին երեք հոգևոր ասպետական օրդեններ, որոնց նպատակն էր՝ նախ ուղեկցել և օգնել խաչակիր բանակներին ազատագրելու «Տիրոջ սուրբ գերեզմանը» և մասնակցելու «Ազատագրված վայրերի» պաշտպանությանը և ապա՝ ուժեղացնել Մերձավոր արևելքում ստեղծվող ֆրանկ պետությունների ներքին ու արտաքին դրությունը։ Օրդենների հոգևոր ասպետական անունը խարուսիկ, զավթողական նպատակները քողարկող ձևական հորջորջում էր, իսկ քրիստոնեության պաշտպանությունը՝ զուտ արտաքին մի պատրվակ։ Ըստ էության նրանք հետապնդում էին աշխարհիկ զավթողական շահեր։ Այդ օրդեններն էին՝ 1. Սուրբ Հովհաննեսյան, Հիվանդախնամ կամ Հյուրընկալների օրդենը (կազմակերպված 1070 թ. Երուսաղեմում), 2. Տաճարականների օրդենը (ստեղծված 1118 թ.) և 3. գերմանական ծագում ունեցող տետոնական յորդենը (հիմնված 1188 թ.)։ Վերջին երկուսը հենց սկզբից հետապնդում էին ռազմական նպատակներ։ Նշելով խաչակիրների կողմից Մերձավոր արևելքի ժողովուրդներին, այդ թվում քրիստոնյաներին և հայերին պատճառած վնասը, ժողովրդական մասսաների շահագործումն ու կեղեքումը, արշավանքներին ականատես Ուհայեցին գրում է. «Զի հանապազ վասն գանձի առնելոյ անիրաւարար շարշարանօք յաւեր և յապականութիւն դարձուցին զերկիր. և յամենայն ժամ պարապել կային և այլ ոչինչ առնէին, բայց միայն նստեալ խորհէին, զշարութիւն զհիւա և զամենայն ճանապարհս շարեաց սիրէին. բարեաց և ամենայն երախտեաց մոռացողք»։ Մի ուրիշ տեղ, նկատի ունենալով Քրիստոսի գերեզմանը ազատագրող ասպետների թալանչիական արարքները, նա գրում է. «Առին զօրքն Փռանկաց անթիւ գանձս ոսկոյ և արծաթոյ և անհամար ծառայս տանէին ի յաշխարհն Փռանկայ»։ Վերոհիշյալ երեք օրդենները գտնվում էին ֆրանկ և գերմանական ֆեոդալների ռազմական միավորումներ ստեղծող պապականության, հովանավորության ներքո։ Օրդենների շարքերը համալրում և թարմացնում էին հասարակական զանազան խմբերի ներկայացուցիչներ։ Այսպես, դրանց անդամակցում էին բախտախնդիրներ, զոդեր, ոճրագործներ և հասարակության ալ տականքներ⁶։ Հետագայում նրանց մեջ սկսեցին ծառայել հենց նույն օրդենների կողմից սեփականազրկված հողագուրկ գյուղացիներ⁷։ Վերջիններս ստանում էին որոշ արտոնություններ։ Սակայն այդ բոլորով հանդերձ, օրդենները լեղել են զուտ ֆեոդալական, զինվորական կարգապահության ենթակա, երկրներ նվաճելու վարձեցված կազմակերպություններ։

Օրդենների գլխավոր նպատակն էր նվաճված տիրույթների թե՛ քրիստոնյա և թե՛ մուսուլման ժողովուրդների հնազանդեցումը, սոցիալական ամեն մի ընդլզման և ապստամբության ճնշումը։ Մյուս կողմից դրանք խնդիր ունեին օգնություն ցույց տալ խաչակիրներին՝ պաշտպանելու և ընդարձակելու Միջին խաչակիր պետությունների սահմանները, կողոպտելու Մերձավոր

⁵ Morgan J., Histoire du Peuple Armenien.

⁶ Grousset R., Histoire des Croisades et du Royaume Franc de Jerusalem, Paris, 1936, t. I, էջ 56, 60։

⁷ Ա. Գ. Հովհաննիսյան, Դրվագներ, գիրք Ա, էջ 58—59։

⁸ Մատթեոս Ուհայեցի, Վամանակագրութիւն, էջ 239։

⁹ Նույն տեղում, էջ 312։

¹⁰ „Encyclopedia Britannica“, 1946, t. XII, էջ 434—440։

¹¹ G. Dodu, Histoire des Institutions dans le Royaume de Jerusalem, 1814, էջ 30։

արևելքի ժողովուրդներին, ապահովելու պապականության լատինականացման և ֆրանկացման քաղաքականության կենսագործումը:

Ռազմական շարժառիթներով միայն պիտի բացատրել օրդենների խիստ կենտրոնացված կառուցվածքը: Յուրաքանչյուր օրդենի գլուխ կանգնած էր մեծ մագիստրոսը, կամ մեծ մաստերը, սրան էին ենթարկվում պրովինցիալ մագիստրոսներն ու պրիորները և մյուս գործակալները՝ մարշալները, կոմանդորները և գունդստարները: Վերջիններից կազմված էր օրդենի խորհուրդը՝ մեծ մագիստրոսի նախագահությամբ: Մեծ մագիստրոսները նստում էին Երուսաղեմում, իսկ այնուհետև՝ Կիպրոսում: Սկզբնական շրջանում նրանց հեղինակությունը բացառապես շերտի, սակայն հետագայում նրանք չէին ենթարկվում նույնիսկ Երուսաղեմի թագավորին, այլ միայն Պապին: Օրդենների ինքնիշխան գործունեությունը կարելի է բացատրել նրանց տնտեսական հզորությամբ: Նրանք ֆինանսավորում և վարկավորում էին թագավորներին, այդ թվում Կիլիկիայի հայ թագավորներին¹²: Նրանց անտեսական հզորության գլխավոր աղբյուրներն էին նվաճման և զեման միջոցով ձեռք բերված ընդարձակ կալվածքներն ու հողային տիրույթները: Գաղափար կազմելու համար օրդենների հարստության մասին նշենք, որ Տաճարականների օրդենին էր պատկանում 1000 գյուղ մարգագետիններով, այգիներով, ձկնորսարաններով, շուկաներով և խանութներով հանդերձ: Բացի այդ, նրանք իշխում էին բազմաթիվ ամրոցներով և բերդերի վրա, Երուսաղեմի, Տրիպոլիի, Անտիոքի, Կիպրոսի և Կիլիկիայի քաղաքներում ունեին իրենց տներն ու զորանոցները: Նրանք հաճախ վեճեր ու միջադեպեր էին ունենում տեղական աշխարհիկ և հոգևոր ֆեոդալների և նույնիսկ թագավորների հետ: Այդ պայթյունները օրդեններին հովանավորում և պաշտպանում էր Պապը: Վերջինս ճանաչված էր օրդենների կողմից որպես գերագույն իշխանություն:

Միջադեպերի և վեճերի ժամանակ Կիլիկիայի հայ թագավորները միշտ չէ որ ենթարկվում էին Պապի կարգադրություններին և հաճախ իրենք էին պատժում անհնազանդ վասալ օրդեններին, զրկելով նրանց վասալական ծառայության դիմաց ստացած կալվածքներից: Այսպես, 1199 թ. Կիլիկիայի թագավոր Լևոն Բ-ն կոպտում էր Տրիպոլիի իշխանի դեմ Անտիոքի ժառանգության շուրջը: Կիլիկիայի թագավորի վասալ Տաճարական օրդենը անցնում է Տրիպոլիի իշխանի կողմը, որի հետևանքով Լևոն Բ-ն զրավում է նրան ենթակա Գաստոն ամրոցը և չի վերադարձնում նույնիսկ Ինոկենտիոս Գ պապի կարգադրությունից հետո: Անհնազանդ Լևոն Բ-ին Պապը ենթարկում է բանադրանքի¹³: XIII դարի 20-ական թթ. սկզբներին նույն բախտին են արժանանում նաև Կիլիկիայի Սելևկե նահանգում Հյուրընկալների ունեցած տիրույթները, որոնք նրանց շնորհված էին 1210 թ. Լևոն Բ-ի կողմից¹⁴: Այդ շնորհումը Լևոն Բ-ն կատարել էր այն ռազմական օգնության համար, որ օրդենը, հակառակ Պապի կամքին, ցույց էր տվել իրեն ընդդեմ Տրիպոլիի իշխանի: Վերջին հանգամանքից պարզվում է, որ օրդենները շահադիտական նպատակներով նույնիսկ հակառակում էին Պապի կարգադրություններին և չէին օգնում իրենց խրոնական ֆրանկ իշխաններին: Սակայն նրանք, հավատարիմ իրենց ուխտագրուծ քաղաքականությանը, խառնվում են 1220—1222 թթ. Կիլիկիայում Լևոն Բ-ի մահվանից հետո զահր շուրջը ծագած ներքին ֆեոդալական երկպառակություններին, անցնում են Անտիոքի իշխան Ֆիլիպի կողմը, ապաստան են տալիս Լևոն Բ-ի դուստր Զարեին, որ ամուսնացել էր Անտիոքի իշխանի հետ: Հյուրընկալների օրդենի տիրույթները այդ ժամանակ զրավվում են պարբերաբար¹⁵:

Կիլիկիայի Հայկական թագավորության և հոգևոր ասպետական օրդենների փոխհարաբերությունների մասին տեղեկություններ են պահպանված հայ և օտար աղբյուրներում Կիլիկիայի արքունիքին վերաբերող փաստաթղթերում և հողային դոնացիաներում: XII դարի հեղինակները ներսես Լամբրոնացին և Մխիթարյան Ասորիները որոշ տեղեկություններ են հաղորդում Կիլիկիայում հաստատված օրդենների մասին: Ներսես Լամբրոնացին գրում է, որ Կիլիկիայում գոյություն ունեն ֆրանկ հոգևորական եղբայրություններ, որոնք կառավարվում են տարբեր օրենքներով, հաղնում են զինվորական համազգեստ, ենթարկվում զինվորական կարգապահության և նրանց նպատակն է պայքարել անհավատների դեմ¹⁶:

Հյուրընկալների տիրույթները Կիլիկիայում հիշատակվում են 1149 թ.: Այդ տիրույթները նրանց շնորհել էր Անտիոքի իշխան Ռայմոնդը: 1163 թ. նրանց տիրույթներին ավելացավ Սա-

¹² V. Langlois, Le tresor..., էջ 122, 123, 124, 125:

¹³ V. Langlois, Essai historique..., էջ 72:

¹⁴ Նույն տեղում, էջ 113:

¹⁵ «Մմբատ Սպարապետի պատմություն», 1856, էջ 109—111:

¹⁶ «Ներսիսի Լամբրոնացու խորհրդածությունը ի կարգս եկեղեցույ», Վենետիկ:

րատա ամրոցը Մսիսի կամ Սամեստիայի շրջանում: Հյուրընկալների օրդենի տիրույթները, ավելի են ընդարձակվում Լևոն Բ-ի ժամանակ: Նրանք ստանում են Նորբերդ և Կամարտեղիա ամրոցները Սելեկիայում, փոխարենը մտնելով վասալական ծառայության մեջ և Լևոն Բ-ի տրամադրելով տարեկան 400 հեծյալ¹⁷: 1214 թ. Լևոն Բ-ն 10000 սարակինոսյան բյուզանդի- ղիմաց Հյուրընկալներին նվիրում է (փաստորեն վաճառում է) Ճկեր ամրոցը, Գանամելլա նա- վահանդիստը և մի շարք այլ ամրոցներ¹⁸: Վերջապես, պետք է հիշատակել Կուվեյրա ամրոցը, որը նվիրել էր Լամբրոնի իշխան Կոստանդինը 1234 թ.¹⁹:

Կիլիկիայում Հյուրընկալները ձեռնարկվում էին Սելեկիայի բերդատերին, իսկ հետագայում պրեկետորին կամ կոմանդորին, որի նստավայրը փոխվեց: Վ. Լանդլուան, հիմնվելով Աբուլ- Ֆարաջի վկայության վրա և տնտեսելով Սմրատ Սպարապետի վկայությունը, բողարկում է Հյուրընկալների անհավատարմությունը իրենց սենյոր՝ Կիլիկիայի թագավորության նկատմամբ, զրևով, թե Սելեկիան ոսկով հետ զնվեց Հեթում Ա-ի կողմից: Մինչդեռ ղեկավարին ականատես Սմրատ Սպարապետը վկայում է, որ Հյուրընկալները մերժում են ավագ պարոն և պայլ Կոս- տանդինի պահանջը՝ նրանց մոտ ապաստանած Զարել թագուհուն իրեն հանձնելու մասին: Սմ- րատի ասելով Հյուրընկալների կոմանդորը այդ առթիվ պատասխանել է. «Թէ Բերդս Լևոն թա- վավոր եղ մեզ, մենք չկարեմք ասել ընդ իւր դուստրն թլ ել ի Բերդէս, ապա մեք կու ելնենք. դուք առէք զբերդն ու զինքն, և այստեղ առին զՍելեկիա և զթագուհին»²⁰:

Հյուրընկալները այլևս նոր տիրույթներ չեն ստանում Կիլիկիայում: Հետագայում, 1317 թ. Օշին թագավորը գնեցով դրավում է նրանց տիրույթները, որովհետև նրանք հրաժարվում են զինվորական օգնություն ցույց տալ Կիլիկիային: Սուր առթիվ Հովհան XXII պապը Հյուրընկալ- ներին ուղղած իր նամակներից մեկում հորդորում է նրանց հաշտվել Օշին թագավորի հետ և խրատում՝ «պատկառ կալ պայմանացն որովք շնորհեալ էին նոցա տեղիքն»²¹: 1320 թ. Օշինը Հյուրընկալներին առաջարկում է հողային նոր տիրույթներ, պայմանով, որ նրանք զինվորա- կան օգնություն ցույց տան Կիլիկիային²²: Սակայն նրանք չեն ընդունում այդ պայմանը: Հյուր- րընկալներին վերջին անգամ հանդիպում ենք 1375 թ., երբ Դրիդորիոս VI պապը ապարդյուն դիմում է նրանց, խնդրելով օգնության հասնել արդեն կործանված Կիլիկյան թագավորու- թյանը²³:

Տաճարականների տիրույթները Կիլիկյան աղբյուրներում հիշատակվում են XII դարի կե- սերից: Միսայել Ասորին պատմում է, որ ղեռնա Թորոս Բ-ի ժամանակ (1145—1169) վեճ է առաջանում Թորոս Բ-ի և Տաճարականների միջև Գաստիմ ամրոցի շուրջը: Գաստիմը Թորոս Բ-ի կողմից շնորհված էր Տաճարականներին այն պայմանով, որ վերջիններս պետք է օգնեն հայերին: Շատ ժամանակ շանցած բյուզանդացիները դրավում են ամրոցը Տաճարակա- ններից. սակայն Թորոսը սրանցից վերադարձվում է այն: Տաճարականները ետ են պահանջում ամրոցը, բայց Թորոս Բ-ն հրաժարվում է վերադարձնել պատճառաբանելով, որ նրանք չեն կատարել վասալի իրենց պարտականությունը: Տեղի է ունենում կռիվ: Թորոսը հաղթում է: Բայց հետագայում նա ետ է տալիս Անտիոքի սահմանամերձ ամրոցները, իսկ ասպետները երդվում են բոլոր ղեկավարում օգնել հայերին, եթե վերջիններս դրա կարիքը ունենան: Այդ ամ- րոցները վերադարձվում և միացվում են Մլեհ (1169—1215) իշխանաց իշխանի ղեկավարմանը²⁴: Թեոֆեն Բ-ի ժամանակ (1175—1187) Տաճարականները նորից ստանում են ամրոցը, որը, սակայն, կրկին դրավում է «յարբունիս» Լևոն Բ-ի ժամանակ, 1202 թ., երբ Տաճարականները ուխտադրժորեն օգնում էին Կիլիկիայի թշնամի Տրիպոլիի կոմսին Անտիոքի իշխանության ժա- ոանդության հարցում²⁵: Տաճարականները հիշատակվում են նաև ավելի ուշ՝ 1265 թ., երբ Էդիպոսի մամլուկները ավերում էին Կիլիկիան, բանդում և այրում Տաճարականների տի- րույթները²⁶: Լևոն Բ-ի ժամանակ (1275—1289) Տաճարականների կոմանդորը, որպես Լևոն-

¹⁷ «Սմրատ Սպարապետի պատմություն», էջ 109:

¹⁸ V. Langlots, Essai historique..., էջ 72:

¹⁹ Նույն տեղում:

²⁰ «Սմրատ Սպարապետի Տարեգիրք», 1956, էջ 226:

²¹ Ղ. Ալիշան, Սխուան, էջ 300—301:

²² V. Langlois, Essai historique..., էջ 33:

²³ Նույն տեղում, էջ 37:

²⁴ «Ժամանակագրություն տեառն Միսայիլի Ասորույ», Երուսաղեմ, 1871, էջ 454:

²⁵ «Մատթևոս Ուոհայեցոյ ժամանակագրութեան շարունակող», էջ 355:

²⁶ Makrizi, Histoire des Sultans Mamlouks d'Egypte par Quatremere. P., 1837, ch. 22, էջ 501:

Բ-ի դեպքան Կահիրեում բանակցություններ է վարում հաշտության պայմանագրի համար²⁷, XIV դարի սկզբում Տաճարականների տիրությունները գրավվում են Լևոն IV-ի (1299—1307) և Օշինի (1307—1321) կողմից:

Տևտոնական օրդենի տիրությունները հիշատակվում են Ավստրիայի դքսի դեպքան Վիլհելմի 0լդենբուրգցու աշխատություններում, որը XIII դարի սկզբին այցելել էր Կիլիկիա և 1212 թ. Ստում ներկա եղել ջրօրհների տոնակատարությանը: Հստ Վիլհելմի, Լևոն Բ-ն Տևտոնական օրդենին նվիրել էր Քյումպետֆորդ բերդը Մսիսի շրջակայքում²⁸, 1212 թ. օրդենը ստանում է Ամուգ կամ Աղամաղոնա բերդը Վերջապես 1236 թ. Հեթում Ա-ն Հարոնիա քաղաքը իր շրջակայքով պարզելով է նրանց՝ գինվորական ծառայության դիմաց²⁹, Բացի հողային տիրություններից, օրդենը ստանում է նաև առևտրական շնորհագիր՝ առանց մաքսի և անարգել շրջապայլու Կիլիկիայի տերիտորիայում, քաղաքներում, կալվածքներում, բնակավայրերում, կամուրջներում, դաշտերում և լեռներում³⁰, 1271 թ. Տևտոնական օրդենը Սարվանտիկարի տեր Զոֆրեի որդի Կոստանդինից արտոնություն է ձևոք բերում Սարվանտիկարի մոտ բաժտուն հիմնելու մասին³¹: Սակայն Տևտոնական օրդենը, հավատարիմ իր տրադիցիոն նվաճողական մտադրություններին, երբևէ էլ չկատարեց իր վասալական պարտականությունները Կիլիկիայի թագավորության հանդեպ: Նույնով նրա տիրությունները ևս միացվեցին արքունիքին: Ինչպես հայտնի է.

Տևտոնական օրդենը, ձախողության մատնվելով Մերձավոր արևելքում, իր ագրեսիվ գործունեության կենտրոնը տեղափոխեց Արևելյան Աֆրոպայի Այն Բանից հետո, երբ Իսկենտի III պապի նոր հոգևոր միաբանություն ստեղծելու ջանքերը ձախողվեցին, 1230 թ. նա դիմեց Երուսաղեմի թագավորությանը աջակցող և Մերձավոր արևելքը զավթող Տևտոնական օրդենին: Վերջինիս հետևեցին «գերմանական կողուպտիչների և գաղութականների նոր հոսանքներ»³²: Այդ մասին Մարքսը գրում է. «Պրուսների երկրում ասպետները մոլեգնում են. իսկ պրուսները քաջաբար դիմադրում են, բայց ավելի ու ավելի են ուժանապառ լինում»³³: Ընդ որում, բազմաժյա պայքարը լերջանում է պրուսների պարտությամբ: Մերձավոր արևելքում անհաջողության մատնված Տևտոնական օրդենը պրուսների երկրում կազմեց Տևտոնական մի մեծ իշխանություն: Երբ օրդենը ձգտում էր ընդարձակել իր տիրությունները ի հաշիվ ուսական հոգերի, 1242 թ., Զուլյուսի վրա տեղի ունեցած հռչակավոր Սաոցամարտում ջախջախվում է նովգորդի ուս իշխան Ալեքսանդր Յարոսլավիչի զորքերի կողմից:

Ինչպես նշեցինք, օրդենները վասալական կախման մեջ մտնելով Կիլիկիայի թագավորից. վերջինից ստանում են հողային տիրություններ: Այդ մասին են վկայում նրանց օգտին կատարված հողային նվիրատվությունները, առևտրական շնորհագրերը և այլ կարգի փաստաթղթերն ու նամակները, որոնք հրապարակված են Ֆրանսիացի հայագետ Վ. Լանգլուայի կողմից «Le tresor des chartes d'Armenie» փաստաթղթերի ժողովածուում³⁴:

Կիլիկիայի ֆեոդալական հողատիրության, հատկապես օրդենական հողատիրության հարցերին վերաբերող փաստաթղթերի թիվը 18-ն է: Իրանց վերնագրերից անգամ երեքում է միջնադարյան ֆեոդալական պայմանական հողատիրությանը առանձնահատուկ հետևյալ փաստը: Երաբանչյուր հողային նվիրատվություն վավերացվում և հաստատվում էր նվիրողի ժառանգորդի կամ հաջորդի (ասենք՝ Լևոն Բ-ի ժառանգորդ Ռուբեն Ռայմոնդի կամ նրան հաջորդող Հեթում Ա-ի) կողմից: Բացի դրանից հողային նվիրատվությունը հիմնականում կատարվում էր վասալի գինվորական ծառայության և օգնության դիմաց, ընդ որում փաստաթղթերում նշված է վասալի անմիջական պարտականությունը, այն է՝ պաշտպանել սենյորին ենթակա պետության սահմանները: Այսպես, 1210 թ. ապրիլին և օգոստոսին Լևոն Բ-ն Սելեկիայի նորբերդ և Կամարտեղիա սահմանամերձ ամրոցները իրենց շրջակա տերիտորիաներով տալիս է Հյուրենկայներին «որպես պարգև» «beneficium» այն բանի համար, որ վերջիններս պաշտպանել են Կիլիկիան Իկոնիայի սուլթանությունից և համատեղ կռվել վերջինիս բանակների դեմ³⁵: 1212 թ.

27 Նույն տեղում, հատ. II, էջ 160, 201:

28 Ղ. Ալիշան, Սիսուան, էջ 476—477:

29 V. Langlois, Le tresor des chartes d'Armenie, էջ 118, 141—143:

30 Նույն տեղում, էջ 142:

31 «Բազմավեպ», 1873, էջ 108—112:

32 «Архив Маркса и Энгельса», т. V, էջ 343:

33 Նույն տեղում, էջ 342:

34 V. Langlois, Le tresor des chartes d'Armenie, Venise, 1863:

35 Նույն տեղում, էջ 114—116:

ապրիլին ընդունված հողային նվիրատվությամբ, Լեոն Բ-ն Ամուտ բերդը պարգևում է Տետունական օրդենին, փոխարենը վերջինս պարտավորվում է զինվորական օգնություն ցույց տալ թագավորին: Այստեղ ընդգծված՝ նվիրատվության պարգևական՝ „beneficial“ բնույթը 1236 թ. Հեթում Լ-ն նույն օրդենին պարգևում է Հարոնիա քաղաքը շրջակա տիրույթներով, պայմանով, «որպես և խոստանան մեզ պահպանել և պաշտպանել զթագաւորութիւն մեր, յամենայն կողմանց, իբրեւ եղբարք, հարազատք, և բարեկրօնք անբաժանելիք»³⁶:

Հողային նվիրատվություններից մեկում Լեոն Բ-ն Հյուրենկալներին խոստանում էր պարգևել Լարանդա սահմանամերձ ամրոցը, եթե վերջինս ընկնի Կիլիկիայի թագավորության տիրապետության տակ. դրա իրականացման համար նվիրատվության մեջ կոչ է անում նրանց՝ օգնել Կիլիկիային Իկոնիայի սուլթանության դեմ նրա մղած պայքարում: Նույնիսկ հողերի վաճառքի կամ նախագրավական զինելու դեպքում զնոց օրդենը պարտավորվում էր զինվորական ժառանգություն և օգնություն ցույց տալ սենյորին՝ Կիլիկիայի թագավորին: Օրդենները ծառայություն էին կատարում նաև Կիլիկիայի արքունիքում: Վիլհերանդ Օլդենրուդցին, նկարագրելով 1212 թ. Զրօրհների ծիսակատարությունը, գրում է, թե օրդենների զինվորականները ուղեկցում էին Լեոն Բ-ին նրա աջ և ձախ կողմից, մյուս գործակալների հետ հավասար³⁷:

Հողային նվիրատվություններում ընդգծված է պարզ և ստացողի մշտնջենական, ժառանգական հողային սեփականատիրական իրավունքը³⁸: Այսպես, 1236 թ. փաստաթղթում ասված է. «եւ այդ դրադարդ (Հարոնիա) նախասացելալ և գերկիրդ նախանշանակելալ զոր մի րոտ միոս՝ յիշեցար և սահմանօքն որոշեցաք, տուար հրեշտակերամ եղբայրութեան հիւանդանոցայիս Ալամանաց, մշտնջենաւոր և յարամեայ ժառանգութիւն, որոց են յայժմուս և որ յետոյ դաւոցն են»³⁹: Սակայն այդ իրավունքը պայմանական էր: Տիրույթների վրա նրանք իշխում էին „dominium utile“-ի, այսինքն հողօգտագործման իրավունքով: Ինչպես տեսանք, այդ տիրույթները վերագրվում էին սենյորի կողմից՝ հենց որ վասալը չէր կատարում հողային նվիրատվության մեջ հիշատակված վասալական պարտականությունները: Պետք է ընդգծել նաև հետևյալ հանգամանքը. ժառանգական իրավունքը անձնական չէր և ոչ էլ տոհմային, քանի որ օրդենները զխավորող մադիստրոսի կամ կոմանդորի պաշտոնները ընտրովի էին. մյուս կողմից՝ օրդենի անդամները կուսակրոններ էին, հետևաբար խոսք անդամ չէր կարող լինել տոհմային ժառանգական իրավունքի մասին: Ժառանգական իրավունքը վերաբերում էր ամբողջ ասպետական օրդենի կազմակերպությանը:

Հողային նվիրատվությունները հաճախ ստացել են դրամական մեծ գումարների փոխառնելու, դրանց զիմաց կալվածքները նախադրավական զինելու կամ էլ որոշ գումարով վասալներին վաճառելու սովորական առուծախի տեսք: Ուշադրաժն այստեղ այն է, որ երկու դեպքում էլ զործարքները կատարվել են հողային նվիրատվության սովորական եղանակով, որպեսզի չըստանան առևտրի կերպարանք և «հաճելի թվան» աստծուն: Այդ նույն ձևը սովորական երևույթ էր միջնադարյան Եվրոպայում՝ Ֆրանսիայում, Իտալիայում և Երուսաղեմի Ֆրանկ պետության մեջ: Մինչդեռ այդ երկրների սյուլերեն-սենյորները հաճախ ընկնում էին ֆինանսական ծանր դրության մեջ, որը, ինչպես օրինակ, Կիլիկիայում հետևանք էր երկարատև պատերազմների: Այս պատերազմների հետևանքով թուլացողները ստիպված էին լինում վաճառելու հողային տիրույթներ, դրամական մեծ գումարներ ստանալով վասալներից: Այս միջոցները հայոց թագավորները օգտագործում էին պատերազմական ծախսեր անելու համար կամ էլ ստացված գումարները որպես օժիտ տրվում էին թագավորական դուստրերին:

Վերոհիշյալ հողային նվիրատվությունների ուսումնասիրումը մեծ նշանակություն ունի Կիլիկիայի ֆեոդալական հողատիրության մի շարք հարցերի լուսաբանման համար: Այդ վավերագրերից երևում է, որ ֆեոդալական հողատիրության բոլոր ձևերի համար հողին տիրելու զխավոր միավորը հանդիսացել է բերդ-ամրոցը կամ քաղաք-ամրոցը՝ դրանց ենթակա բնակավայրերով, շեներով, գյուղերով ու աղարակներով, արտերով ու այգիներով, անդաստաններով ու լեռներով հանդերձ: Ընդ որում, ստացող ֆեոդալը կոչվում էր բերդատեր, կամ հայրենատեր-բերդատեր, իսկ լատինական արտահայտությամբ՝ „castellanus“ (սրերդատեր)⁴⁰:

³⁶ Ղ. Ա ի շ ա ն, Սիսուան, էջ 205—207:

³⁷ Նույն տեղում, էջ 476:

³⁸ V. Langlois, Le tresor..., էջ 120:

³⁹ Ղ. Ա ի շ ա ն, Սիսուան, էջ 206—207:

⁴⁰ V. Langlois, Le tresor..., էջ 123:

1236 թ. Տևտոնական օրդենի օգտին կատարված հողային նվիրատվության մեջ ասված է, որ Հարոնիա քաղաք-ամրոցը պարզեցվում է օրդենին, ինչ վիճակում որ նա եղել է նրա նախորդ տիրակալ Ջոֆրեի ժամանակ: Դոնացիայում կարգում ենք «Ջորս յիշեցութ մի բստ միոջլ վաներովն, դիպովք, աղարակօք, հողով և ջրով, աղօրեոք, դետեօք, լերամբք, բլրովք և պտղաբեր հարթ վայրօք և ամենայն պտղովք, կալուածովք և ստացուածովք: Արդ մի ոք յիշեսցէ յամենայն երկրիս հայոց ի մերոյ հպատակաց, ոչ մեծ և ոչ փոքր հեղեղ կամ ոյք առնել Սրբոյ Տանս և հոգեոք եղբայրութեանս, կամ զսամանս նոցին և զկալուածն նուազեցուցանել»⁴¹:

1214 թ. Հյուրընկալներին տված նվիրատվության մեջ կարգում ենք. «Պարզեցում եմ... վաներ ամրոցք մշակված և անմշակ հողերով... անտառներով և արոտներով և այլ ինչքով»⁴²: Այսպիսով, նվիրատվություններում բերդերն ու ամրոցները հիշատակվում են որպես հողին տիրելու միավոր: Նույնպիսի բովանդակություն են ունեցել հայ բերդատեր իշխանների տիրույթները: Օրինակ, Համբրոնի իշխան Կոստանդինի տիրույթները արքունիքին միացնելու առթիվ պատմիչը գրում է. «Արքայն (Հեթում Ա) զամենայն դիպս և զանդաստանս Համբրոնի արար ի ներքո հրամանաց իւրոց»⁴³: Նույն ձևով էն հիշատակվում խոշոր ֆեոդալ սենեակալ Սիր Աղամի տիրույթները⁴⁴:

Սմբատ Սպարապետի «Դատաստանագրքի» համապատասխան հոդվածներում արձանագրված է, որ յուրաքանչյուր պարոնություն կենտրոնը հանդիսանում էր որևէ բերդ կամ ամրոց և որ բերդատեր պարոնը տիրել է բերդի շուրջը գտնվող գյուղերին և հողերին⁴⁵: Անշուշտ այդ կարելի է բացատրել նրանով, որ անընդհատ ռազմական բնդարումների մեջ գտնվող Կիլիկիայի ֆեոդալների վասալական պարտականության զլխավոր պայմանը դարձել էր զինվորական ծառայությունը թագավորի համար, հետևաբար, Կիլիկիայի 72 բերդերի պաշտպանությունը, շինարարությունն ու պահպանումը ֆեոդալ իշխանների ղեկավար գրադմոնքն էր, մի երևույթ, որը հատուկ էր նաև միջնադարյան Եվրոպային:

Ինչպես տեսնում ենք, օրդենների վասալական կախվածությունը Կիլիկիայի Հայկական թագավորությունից կրել է հողային բնույթ: Սակայն օրդենական հողատիրությունը, լինելով բուլտորովին նոր երևույթ հայկական ֆեոդալական հողատիրության մեջ, ավելի շատ նմանվել է խաչակիր պետություններում կամ արևմտաեվրոպական երկրներում տիրող ֆեոդալական հողատիրությանը: Այս մասին ուղղակի մատնացույց է արված հողային նվիրատվություններում: Այսպես, 1212 թ. ապրիլին Տևտոնական օրդենի օգտին կատարված հողային նվիրատվության մեջ նշված է, որ տվյալ հողային դոնացիան կատարվում է համաձայն ֆրանկ օրենքների⁴⁶:

Այժմ տեսնենք, թե օրդենական հողատիրությունը ֆեոդալական հողատիրության որ ձևին էր համապատասխանում: Հողային դոնացիաներում բուլտակի մատնացույց է արված, որ տվյալ բերդը իր շրջակա հողային տիրույթներով թագավորը պարզեցում է օրդենին: Այդ արտահայտվել է հայերեն պարզական տերմինին՝ հոմանիշ՝ միջնադարյան Եվրոպայի պարզական հողատիրությանը հատուկ «beneficium» տերմինով: Ղ. Ալիշանը 1236 թ. հողային նվիրատվության մեջ օգտագործված լատինական «beneficium» տերմինը իրավացիորեն թարգմանել է առանձնական⁴⁷, իսկ «Dono et concedo» տերմինները պարզել է հայերեն տերմինով: Միջնադարյան Եվրոպայի ֆեոդալական հողատիրությանը հատուկ «beneficium» տերմինը պարզականի հետ նույնացրել են նաև ակադեմիկոս Հ. Մանանդյանը⁴⁸ և Նիկողայոս Ադոնցը: Պրոֆ. Ս. Հակոբյանը նույնացնելով պարզական և «beneficium» տերմինները, նրանց տակ հասկանում է այն իրավունքը, որը տրվում էր աչքի ընկնող պետական և զինվորական ծառայության դրամաց, ժամանակավորապես կամ ցմահ օգտագործելու համար⁴⁹: Պրոֆ. Ս. Պողոսյանը գրում է. «Պարզական հողատիրությունը ի տարբերություն «հայրենիք» հողատիրության ձևին, կազմել

⁴¹ Ղ. Ալիշան, Սիսուան, էջ 207:

⁴² V. Langlois, Le tresor..., էջ 122—123:

⁴³ Կիրակոս Գանձակեցի, Պատմություն Հայոց, 1909, էջ 270—272:

⁴⁴ «Սմբատ Սպարապետի Տարեգիրք», էջ 222:

⁴⁵ С м б а т С п а р а п е т, Судебник, Ереван, 1958, пер. А. Галстяна, էջ 9, 14, 15:

⁴⁶ V. Langlois, Le tresor..., էջ 120, 123, 141 և այլն:

⁴⁷ Ղ. Ալիշան, Սիսուան, էջ 207:

⁴⁸ Հ. Մանանդյան, Ֆեոդալիզմը հին Հայաստանում, էջ 27:

⁴⁹ Ս. Հակոբյան, Հայ գյուղացիության պատմություն, Երևան, 1956, էջ 172:

է պարզեւ և պարզեակեանք կամ արքայատուր, որոնք համապատասխանում են արեւմտեւոր-պական Feod. lehn և benefizium հասկացողութիւններին⁵⁰։

«Պարզեւ» և «պարզեակ» տերմինները օգտագործել են նաև Կիլիկիային վերաբերող հայկական մատենագրական աղբյուրները, բնութագրելու համար հողային նվիրատւութիւնները և հողային տիրութիւնները։ Այսպիս, Ռուբեն Բ-ն «սկսեալ տալ յպարզեւ ամենեցուն առատապես, դամենեցուն սիրտ և զօրքի յինքն յանգոյց և որ դիմէր նօքօք քաջապէս մղէր զհոյս թշնամեացն, որով էառ զՄսիս զԼեղանայ և զՏարսոն»⁵¹։

Լեոն Բ-ի նվիրատւութիւնների մասին կարդում ենք. «Եւ ուր իմանայր թէ զոյ այր իմաստուն և զիտուն և աջող է գործ կամ ի զինուորութիւն, կամ ի խօսս և ի պատասխանս յղէր սկոչէր խոստմամբ և հանգուցանէր պարզեւ, յորոց մի ես եմ Սմբատ Սպարապետ թարգմանող տառիս և պատմութեանս»⁵²։ Որ այդ պարզեւները տրվում էին զինվորական ծառայության դիմաց, այդ էրևում է նաև հաջորդ վկայութիւնից. «Եւ այսպիսի խոհեմ իշխանօք և քաջ զօրօք և առատ պարզեւք և ընդարձակ սեղանօք դամեն յօմար կազմէր ի կոխ»⁵³։

XIII—XIV դարերում բազմաթիւ բերդեր և նրանց ենթակա գավառներն ու հողային տիրութիւնները անցնում են մի ֆեոդալից մյուսին այն բանի համար, որ տվյալ ֆեոդալ վասալը խախտում էր սենյորի նկատմամբ կատարելիք վասալական պարտականութիւնները։ Նույնը որոշ տարբերությամբ տեսնում ենք օրգենական հողատիրութեան մեջ։ Կիլիկիայում պարզեական կամ benefizium հողատիրութեան ձևը նույնպիսի դարգացում ապրեց, ինչ որ նրա նույնատիպը Արևմտյան Եվրոպայում։ Այստեղ այն տրվում էր վասալին ցմահ՝ օգտագործման համար, հետագայում վերածվում էր «feodum»-ի ժառանգական իրավունքով։ Թեև պայմանական էր, Հետևաբար XIII—XIV դդ. Կիլիկիայում ջնջվում է «պարզեական» և «feod» «հայրենիք» հողատիրութեան ձևերի միջև եղած տարբերությունը։ Ընդ որում, Սմբատ Սպարապետի Դատաստանագրքում որոշ դեպքերում տարբերություն չի դրվում «պարզեականի» և «հայրենիքի» միջև. ֆեոդ-հայրենիքը ևս միացվում էր արքունի կալվածքին, եթե ֆեոդալը մեռնում էր անժառանգ⁵⁴։ «Հայրենիքը» գրավվում էր «յարքունիս»՝ նաև այն ժամանակ, երբ հայրենատեր-ուրդատերը չէր կատարում վասալի պարտականութիւնները, ինչպես այդ պատահել էր Լամբրոնի իշխան Կոստանդինի տիրութիւնների հետ⁵⁵։ Սմբատի «Դատաստանագրքում» այդ մասին ասված է. «Թէ իշխան կամ այլ ոք՝ որ ի թագաւորի ծառութիւն և ի հնազանդութիւն լինի, և իր պատճառ այնէ թագաւորին, հայնց որ մեռնի իրաւնաւք, նա եղբարքն և որդիքն՝ որ յաւաքողոյն լեալ լինին նա վասն հարն մեղացն չլինին զրկածք ի հայրենեցն ի ժառանգութենէ»⁵⁶։

Վերը ասածից երևում է, որ «հայրենիքը» «ալոդ» չէ, այլ ֆեոդ է, որը պայմանական է և ժառանգական այնքանով, որքանով որ ֆեոդատերը գտնվում է թագավորի մոտ ծառայության մեջ։ Այստեղ «ծառայութիւն» կամ «ծառութիւն» տերմինը հոմանիշ է եվրոպական ֆեոդալիզմի «servitium»-ին։ Սա ցույց է տալիս, որ բենեֆիցիալ-պարզեական հողերը դառնում էին ժառանգական «հայրենիք-ֆեոդ» տիրութիւն։ Այդպիսի էր լինում հատկապես այն ժամանակ, երբ ֆեոդատերը այդ հողերի վրա կատարում էին շինարարական աշխատանքներ։ Նույն Դատաստանագրքում կարդում ենք. «Եւ թէ ժառանգաւոր իշխան յիր երկիրն ծախվորի և բերդ կամ ամրոց շինէ կամ այլ ինչ, նա վասն այնոր կու շինէ, որ իր ու իր յետ միացացն մնացական մնա. մի լիցի թագաւորին յայն ձեռնարկել այլ իշխանքն զիրենցն ունեան մնացական և թագաւորի ուժ տան»⁵⁷։

Այսպիսով, պարզեական հողերը դառնում էին «հայրենիք» և դրանով վերանում էր նրանց միջև եղած տարբերությունը։ Ընդ որում, երկուսի հիմքում էլ ընկած էին վասալի պարտականութիւնները սենյորի նկատմամբ։

⁵⁰ Ս. Պ. Պոդոսյան, Դյուդագիների ճորտացումը և դյուդագիական շարժումները Հայաստանում IX—XIII դարերում, էջ 90։

⁵¹ Սմբատ Սպարապետի Տարեգիրք, 1956, էջ 192։

⁵² Նույն տեղում, էջ 247։

⁵³ Նույն տեղում, էջ 253։

⁵⁴ Ղևոնդ Ալիշան, Սիսուան, էջ 207։

⁵⁵ «Կիրակոսի Գանձակեցոյ պատմութիւն», էջ 271—272։

⁵⁶ Смбат Спарамет, Сулебник, էջ 15։

⁵⁷ Նույն տեղում, էջ 14։

Օրդենական (պարզական կամ ֆեոդալական) հողատիրությունը, ի տարբերություն ֆեոդալական հողատիրության մյուս ձևերի, ուներ մի շարք հատկանիշներ, ինչպես երևում է հողային դոնացիաներից, օրդենները, ստանալով պարզ-ֆեոդներ, դրա հետ մեկտեղ ստանում էին նաև որոշ արտոնություններ՝ Այսպես, կիլիկիայի թագավորը՝ Բենյոյը, օրդեններին ազատում էր այն հարկերից, որ տալիս էին մյուս ֆեոդալները, երբ տիրում էին այդ նույն հողերին։ Տևտոնական օրդենը, օրինակ, ազատվեց հարկերից, երբ Հեթում Ա-ից ստացավ Հարոնիա քաղաքը որպես տիրույթ⁵⁸։ Ֆեոդալի կողմից սենյորին տրված հարկը մեծ մասամբ կոչվել է բաժ⁵⁹, իսկ հողային նվիրատվություններում բոլոր տեսակի հարկերը և տուրքերը՝ „servitium“⁶⁰, չէին հանդիսանում, բացի զինվորական և զործակալական ծառայությունից, սենյորին վճարում էր նաև որոշ դրամական հարկ։

Օրդենները չէին ազատվում եկեղեցու օգտին դանձվող տասանորդից⁶¹, քանի որ նրանք միևնույն ժամանակ եկեղեցու հողերը վասալներն էին։ Այդ մասին է վկայում Հյուրենկալները և Մսիսի լատին արքեպիսկոպոսի միջև ստորագրված 1246 թ. կոնվենցիան⁶², որը համապատասխանում էր կիլիկիայում տիրող օրենքներին։ Այդ մասին Սմբատի Դատաստանագիրքը հատուկ հոգովածներով սահմանում էր աշխարհիկ ֆեոդալների կողմից եկեղեցուն տրվելիք պարտադիր հարկը՝ տասանորդը, որից չէր ազատվում նույնիսկ թագավորը։ «Եւ թագուրն զիր շահուն տասնեակն պատեհ է որ եկեղեցոյն տայ», իսկ իշխանները «զիրենց տասնեակն տան յիրենց եկեղեցեացն»⁶³։

Այժմ հողային նվիրատվությունների մի շարք առանձնահատկությունների մասին Հողային նվիրատվություններից երևում է, որ հողային տիրույթները իրարից բաժանվել են հատուկ նշաններով՝ սահմանային քարերով կամ խոշոր ծառերով։ 1212 թ. Տևտոնական օրդենին տրված հողային նվիրատվության մեջ նշված է, որ Ամուտի տիրույթը Կամարտեզիայի տիրույթից բաժանված է սպինոզայի ծառով, իսկ մյուս տիրույթից բաժանվում է մի խոշոր ծառով և ածխով⁶⁴։ Մաքսատուն ունենալու վերաբերյալ 1271 թ. Սարվանդիկարի տեր Կոստանդինի կողմից Տևտոնական օրդենին տրված շնորհագրում որպես սահմանադիմ-նշան մատնացույց է արված տանձենին⁶⁵։ Քարը և ածուխը, որպես հողային տիրույթները սահմանազատող նշան, բերված են «Անտիոքի ասսիդներում»։ զրանց մեջ ասված է, որ որպես հողի սահման դնեն «զործելի» և քար⁶⁶։

Յուրաքանչյուր ֆեոդալ-հողատեր հողի կամ ֆեոդի իրեն պատկանելու մասին ունեցել է հատուկ փաստաթուղթ, որը անպայման կնքվել և հաստատվել է պարոնության սիկելով, ատյա-նով և վկաներով⁶⁷։ Այդպիսի փաստաթղթերի և արձանագրությունների մասին խոսում են Սմբատ Սպարապետը, Կիրակոս Գանձակեցին և Միխայել Ասորին։ Վերջինիս ժամանակագրու-թյան շարունակողը գրում է, թե Լեոն Բ-ն պարզեցրել էր տալիս վանքերին «արձանագրով սե-փականելը նոցա զխզս և ազարակս, ալզիս և անդաստանս»⁶⁸։ Նույնը մենք տեսնում ենք օրդեն-ների օգտին կատարված հողային նվիրատվությունում։

Հայտնի է, որ ֆեոդալական հողատիրության ժամանակ հաճախ որևէ հող կամ կալվածք ստացվում կամ նվիրվում է հողօգտագործման համար վասալական հիմունքներով։ Այդ կա-պակցությամբ շնորհագրի կամ վավերագրի տակ ստորագրում էին հողի հետ առնչություն ունեցող անձնավորությունները։ Այդ դերում հանդես էին գալիս սենյորի և վասալի վկաները, որոնք ստորագրում էին հողային նվիրատվությունների տակ, և լինում էին արքունիքի բարձր-աստիճանի զործակալներ՝ արքեպիսկոպոսներ, օրդենների մագիստրոսներ, կամ կոմանդորներ և ասպետներ⁶⁹։

⁵⁸ V. Langlois, Essai historique..., էջ 51։

⁵⁹ «Յովհաննու Դարգելի ժամանակագրութիւն Հայոց», 1891, Ս. Պետերբուրգ, էջ 39։

⁶⁰ V. Langlois, Le tresor..., էջ 143։

⁶¹ „Documents Armeniens“, t. III, էջ 749։

⁶² V. Langlois, Essai historique..., էջ 71։

⁶³ Смбат Спарамет, Судебник, էջ 11—12։

⁶⁴ V. Langlois, Le tresor..., էջ 119։

⁶⁵ «Բազմավեպ», 1873, էջ 108—112։

⁶⁶ „Assises d'Antioche“, trad. p. l'Alichan, Venise, 1876, էջ 39։

⁶⁷ Նույն տեղում։

⁶⁸ «Ժամանակագրութիւն տեառն Միխայիլի Ասորոյ», Երուսաղեմ, 1871, էջ 504։

⁶⁹ V. Langlois, Le tresor..., էջ 103, 116, 122, 141—143։ V. Langlois, Essai.

Այսպիսով, օրդենական խոշոր հողատիրությունը հանդիսացավ մի նոր երևույթ հայկական ֆեոդալիզմի պատմության մեջ: Օրդենական հողատիրությունը Կիլիկյան Հայաստանում շատ կողմերով նման էր արևմտանվոցական ֆեոդալական հողատիրությանը և ենթարկվում էր այդ օրենքներին, այն որոշ չափով ներգործում էր հայկական ֆեոդալիզմին հատուկ վաղեմի ինստիտուտների վրա:

ИЗ ИСТОРИИ ПОЛИТИЧЕСКИХ И ЭКОНОМИЧЕСКИХ СНОШЕНИЙ ОРДЕНОВ КРЕСТОНОСЦЕВ С КИЛИКИЙСКОЙ АРМЕНИЕЙ

С. В. БОРНАЗЯН

(Р е з ю м е)

Период возникновения Киликийского армянского государства совпал с походами крестоносцев на Ближний Восток. Оттеснив сельджуков из приморских районов Малой Азии, крестоносцы помимо своей воли способствовали созданию благоприятных условий для политического и экономического укрепления Киликийского армянского государства. Исходя из этого обстоятельства, ряд французских буржуазных историков (В. Ланглуа, Э. Дюлорие, Ж. де Морган, Р. Груссе) преувеличивает роль крестоносцев, в том числе их рыцарских церковных орденов, в политической и экономической жизни Киликийского армянского государства. Формирование и характер феодальных отношений Киликийской Армении указанные выше историки считают результатом влияния западноевропейского феодализма, якобы проникшего в Киликию посредством крестоносцев. Между тем исследование политических и экономических взаимоотношений между Киликийской Арменией и орденами крестоносцев того периода совершенно ясно показывает, что ущерб, нанесенный крестоносцами Киликийскому армянскому государству, был значительно более велик, чем их временная и произвольная помощь.

Ордена крестоносцев получали от своих новых сюзеренов—армянских царей—обширные земельные пространства в пограничных с Киликией районах на условиях *beneficium* и *feodum*, во многом схожих с формами землевладения западноевропейского феодализма. Орденское землевладение стало новым явлением в эпоху развитого армянского феодализма.

Ордена крестоносцев, следуя своей вероломной политике, вступили впоследствии в конфликт со своим сеньором—армянским царем, вследствие чего были выселены из Киликии в конце XIII в. и тем самым перестали играть какую-либо роль в экономической и политической жизни Киликийской Армении.